

გელა სულაძე

(გამოცემულ წიგნთა ჩამონათვალი და მოკლე ანოტაცია)

მარტოსული - სული ნათელი, გამომცემლობა „გულანი“, თბ., 2001.

წიგნი ეძღვნება ვლადიმერ ჟვანიას - საბჭოთა ხელისუფლების პოლიტიკური იდეოლოგიის - ტოტალიტარიზმის მსხვერპლის ტანჯულ ცხოვრებას. იგი გამსჭვალული იყო საქართველოს უკეთესი მომავლის რწმენით, რაც, მე-20 საუკუნის 60-70-იანი წლებიდან დაწყებული, ეროვნულ-განმათავისუფლებელი მოძრაობის იდეებიდან გამომდინარეობს.

ვლ. ჟვანიას მიზანი იყო ქართველი საზოგადოების გამოფხიზლება, ეროვნულ-განმათავისუფლებელი მოძრაობის გაღვივება და საქართველოს დამოუკიდებლობის მიღწევა. ამ ამოცანის გადასაწყვეტად მან აირჩია ისეთი ქმედება, რომელიც საბჭოთა კანონმდებლობით დასჯადი იყო. კერძოდ, 1975 – 1976 წლებში ჯერ სოხუმში, შემდეგ თბილისის ცენტრში და, ბოლოს, ქუთაისში თვითნაკეთი მოწყობილობით მოახდინა დივერსიული აქტები, რასაც შენობა-ნგებობების დაზიანება მოჰყვა. სოხუმში აფეთქებას შემთხვევით გამვლელი ემსხვერპლა. ამ დანაშაულის ჩადენისათვის ვლ. ჟვანიას დახვრეტა მიესაჯა.

წიგნში საუბარია ქართველთათვის უმთავრეს ღირებულებაზე - საქართველოს დამოუკიდებლობაზე. ამავდროულად დაგმოხილია ძალადობა და ნებისმიერი ფორმით გამოხატული ძალადობრივი აქტები, როგორც ანტიჰუმანური და დანაშაულებრივი მოვლენა.

ვლ. ჟვანიას ეკუთვნის უკანასკნელი სიტყვები: „იცოდეთ თქვენ, რომ საქართველოს გათავისუფლების იდეები მუდამ გულში მექნება, სანამ ის ცემს, მუდამ ტვინში მექნება, სანამ ის აზროვნებს, მუდამ სულში მექნება, სანამ სული მიდგას!“



ქართული ანტისაბჭოთა ემიგრაცია და სპეცსამსახურები, გამომცემლობა „ეროვნული მწერლობა“, თბ., 2010.


ქართული ანტისაბჭოთა ემიგრაცია და სპეცსამსახურები, „ბაკურ სულაკაურის“ გამომცემლობა, თბ., 2012.

ნაწარმოებში სხვადასხვა საარქივო მასალაზე, აგრეთვე ემიგრანტულ ლიტერატურაზე დაყრდნობით, გაანალიზებულია მე-20 საუკუნის 20-50-იან წლებში ქართული ანტისაბჭოთა პოლიტიკური ემიგრაციის მიზნები და ამოცანები, აგრეთვე ბოლშევიზმის წინააღმდეგ ბრძოლის ხერხები და მეთოდები; აღწერილია ქართული ანტისაბჭოთა ემიგრაციით საზღვარგარეთის ქვეყნების სპეცსამსახურების დაინტერესების მოტივები და ის კონკრეტული

ლონისძიებები, რომლებიც მიმართული იყო საბჭოთა კავშირში ფარული ანტისაბჭოთა საქმიანობის ორგანიზებისათვის; გაშუქებულია სხვადასხვა სამხედრო თუ სპეციალური დანიშნულების ბატალიონებისა და ნაციონალური ლეგიონების ჩამოყალიბება- საქმიანობის ისტორია; საზღვარგარეთიდან ანტისაბჭოთა განწყობის ქართველი ემიგრანტი-ლიდერების გამოტყუება-მოტაცებისა და „დივერსანტ-პარაშუტისტთა“ შემოგზავნის ორგანიზაცია, აგრეთვე „შინსახკომის“ მხრივ მათ მიმართ გამოჩენილი სისასტიკე.

განსაკუთრებით გამახვილებულია ყურადღება დემოკრატიული საქართველოს მიმართ საბჭოთა რუსეთისა და დაინტერესებული ქვეყნების სპეცსამსახურების ძირგამომთხრელ საქმიანობაზე; საბჭოთა ხელისუფლების სისასტიკეზე საქართველოს ანექსიისა და შემდგომ პერიოდში; ქართულ ანტისაბჭოთა ემიგრაციაში დატრიალებულ ტრაგიკულ მოვლენებზე, რომლებიც საზღვარგარეთ საბჭოთა სპეცსამსახურების სისხლიან სპეცოპერაციებთან არის დაკავშირებული.

ვრცლად არის მიმოხილული მეორე მსოფლიო ომის შემდგომი პერიოდის რეემიგრაციისა და ქართული ეროვნული ფასეულობის საქართველოში დაბრუნების პროცესი და მასში საბჭოთა სპეცსამსახურების მონაწილეობა; ცივი ომის გარიჟრაჟზე ქართული ემიგრაციით უცხო ქვეყნის სპეცსამსახურების დაინტერესების მოტივები და ა. შ.




სპეცსამსახურების თვალთ დანახული საქართველოს უახლესი ისტორიის შუქ-ჩრდილები,

გამომცემლობა „მწიგნობარი“, თბ. 2015.

წიგნში სახელმწიფო უშიშროების
ყოფილი მინისტრის, გენერალ-მაიორ
ანზორ მაისურაძის ღირსეულად
განვლილი ცხოვრებისა და საქმიანობის
მაგალითზე წარმოდგენილია ყველაზე

გასაიდუმლოებული უწყებების - სპეციალური სამსახურის გადასახედიდან დანახული საქართველოს
უახლესი ისტორიის მნიშვნელოვანი ეპიზოდები და მასში მონაწილე ცალკეული პერსონაჟები,
რომელთაც საკუთარი სამსახურებრივი მოვალეობის შესრულების პროცესში ხშირად უწევდათ
დაფიქრება იმაზე, რომ ქართველები და საქართველოს შვილები იყვნენ.

შემდგომისდაგვარად აღწერილია, თუ რა ხდებოდა მაშინდელ სახელისუფლებო კულუარებში
და როგორი იყო სპეცსამსახურების მაღალი რანგის მოხელეთა დამოკიდებულება იმ ისტორიულ
პერიოდში მიმდინარე მოვლენებისადმი. გარკვეული მინიშნებებია გაკეთებული აღწერილ
ზოგიერთ მოვლენასთან თუ პერსონაჟთან დაკავშირებით, რაც საქართველოს სპეცსამსახურების
დღევანდელ თაობას განსჯის საშუალებას მისცემს.



საქართველოს პირველი პრემიერის - ნოე რამიშვილის მკვლელობა, გამომცემლობა „წიგნი+ერი“, თბ., 2018.


წიგნი ეძღვნება საქართველოს დემოკრატიული რესპუბლიკის გამორჩეული სახელმწიფო მოღვაწის, დამოუკიდებელი საქართველოს მთავრობის პირველი თავმჯდომარის (შემდგომში ნ. ჟორდანიას) - ნოე რამიშვილის მკვლელობას.

ნ. რამიშვილი, ერთ-ერთი ყველაზე ავტორიტეტული პოლიტიკური ფიგურა და ანტისაბჭოთა მოღვაწე, ემიგრაციის პირობებში ენერგიულად ებრძოდა ბოლშევიკებს. ის იყო საქართველოში ანტისაბჭოთა საქმიანობის, პირველ რიგში საქართველოში ემისრების არალეგარული შეგზავნისა და იატაკქვეშა მოძრაობის, მთავარი ორგანიზატორი.

ბოლშევიკურმა ხელისუფლებამ და მისმა სპეცსამსახურებმა, რომელთაც საზღვარგარეთ

უკვე ჩატარებული ჰქონდათ არაერთი სპეცოპერაცია მათთვის არასასურველ პირთა მკვლელობასა და გამოტყუებასთან დაკავშირებით, ჩათვალეს, რომ პოლიტიკური საფრთხე ნ. რამიშვილის მხრიდან დიდი იყო, და მისი ფიზიკური ლიკვიდაციის გადაწყვეტილება მიიღეს, რაც აღასრულეს კიდევ.

წიგნში აღწერილია ნ. რამიშვილის მკვლელობის ფაქტი; გაანალიზებულია მკვლელობის ფსიქოლოგიური მდგომარეობა და მკვლელობის მოტივები; სასამართლო პროცესი; მკვლელობაში საბჭოთა სპეცსამსახურების მონაწილეობის ასპექტები; მკვლელობამდე და მკვლელობის შემდეგ ქართულ ანტისაბჭოთა ემიგრაციაში შექმნილი ვითარება.



გერმანელები საქართველოში და მათი ხვედრი საბჭოთა პერიოდში (საბჭოთა სპეცსამსახურების არქივებიდან), გამომცემლობა „მერიდიანი“, თბ. 2018.

ნაშრომში ასახულია საქართველოში მცხოვრები გერმანელების ხვედრი საბჭოთა პერიოდში. ის ეფუძნება საქართველოს შინაგან საქმეთა სამინისტროს არქივში მოპოებული, წლობით გასაიდუმლოებული ინფორმაციის ანალიზს. კვლევისათვის გამოყენებულია სხვა წყაროებიც. განსახილველი პერიოდი მოიცავს

მეოცე საუკუნის 20-50-იან წლებს.

წიგნში გადმოცემულია ცალკეულ გერმანელთა დაპატიმრების მიზეზები, წინასწარი და სასამართლო გამოძიების შედეგები, დეტალურადაა გაანალიზებული რამდენიმე სპეციფიკური ხასიათის საქმე, აღწერილია დაპატიმრებულთა სულიერი მდგომარეობა.

გამოკვლევას ერთვის 400-მდე რეპრესირებული გერმანელისა და საქართველოში მყოფი 1500 ავსტრიელი და გერმანელი სამხედრო ტყვის (რომლებიც წლების განმავლობაში სასჯელს იხდიდნენ საბჭოთა ბანაკებში) სიები, აგრეთვე უნიკალური ფოტო და დოკუმენტური მასალა. წიგნში ბევრი ტრაგიკული ისტორიაა აღწერილი და მრავალი გერმანული გვარ-სახელია წარმოჩენილი.